



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. I. Adversariorum fundamenta exponuntur,

[urn:nbn:de:hbz:466:1-77232](https://nbn-resolving.de/urn:nbn:de:hbz:466:1-77232)

§. IV.

A

Aliud inconveniens breviter exponitur.

36. **A**liud inconveniens quod ex positione decretorum indifferantium sequitur, sumitur ex manifesta contradictione quam illa decreta involvunt. Implicat enim contradictionem promitti conditionaliter id sine quo talis conditio non potest impleri: Sed voluntas creata in quoque rerum ordine constitutur, non potest velle, nec se determinare, sine actuali Dei concursu: Ergo concursus Dei non potest promitti, vel decerni, sub conditione quod voluntas humana velit aut se determinet. Minor pareret, Major probatur. Hac promissio: si videris hoc objectum, dabo tibi lucem necessariam ad videndum. Aut ista, si operatus fueris, dabo tibi existentiam, est omnino illusoria & ridicula, quia Ius est aliquid praerequisitum ex parte objecti, ad hoc ut videatur; & similiter existentia est conditio necessaria ad operandum: Ergo promissio conditionalis in qua conditio non potest impleri sine eo quod promittitur, ridicula est, & involvit contradictionem; positio enim conditionis sub qua sit aliqua promissio, impletionem talis promissionis antecedere debet.

37. Confirmatur & magis illustratur hæc ratio, alio exemplo aptissimo. Si quis puer debili & infirmo, ac impotenti ad levandum aliquod ingens pondus, diceret: ego te adjuvabo ad tollendum hoc pondus, si illud tollas, proculdubio irridetur illum: quia, ut supponimus, puer ille est omnino impotens & improportionatus ad illud tollendum, nisi adjuvetur ab alio. Ita similiter, cum homo sine concurso Dei sit omnino impotens ad volendum, nec possit se determinare sine ejus auxilio: quia, ut inquit Apostolus, *Deus est qui operatur in nobis velle*: vel ut loquitur Augustinus in Soliloquiis cap. 24. *Velle quod bonum est non possum, nisi tu velis*: ridiculum & nugatorium est decretum illud Molinisticum, quod Deus decernit concurrere cum homine ad volendum & operandum, si homo velit & se determinet.

Confirmatur amplius: Cum homo non possit velle bonum, nisi Deo volente, ut ex Augustino vidimus: istud decretum, volo concurrere cum Petro ad amandum, si Petrus velit, sic erit expendum: Volo ut si velim quod Petrus velit amare, cum eo concurrere ad amandum: quod etiam nugatorium & ridiculum est.

38. Demum contra decreta indifferantia est argumentum ad hominem, propositum à Caramuello in Theologia fundamentali, cap. 1. num. 26. his verbis. *Dua circumferuntur sententie: altera qua docet causam secundam determinari à prima, altera qua primam à secunda; & ad hanc spectare videtur Propugnatores scientia media. Ergo quando causa secunda determinat primam, vel tollit primalibetatem, vel non tollit?* *Ad illud prius dici non potest: Ergo debet dici hoc posterius. Tunc sic. Per vos causam secundam potest determinare primam, illas à libertate prima: Ergo prima poterit determinare secundam, illas à libertate secundam.* Parres ergo Iesuita, cum volunt suam opinionem suadere, sententiam Thomistarum persuadent, & seipso impugnant: ideo enim negant Deum causas liberas determinare, quod determinatio libertati opponatur.

ARTICULUS IV.

Convelluntur fundamenta adversae sententiae.

VT Adversariorum fundamenta facile convellantur, tria breviter hic praestanda sunt. Primo principia illorum argumenta, desumpta ex variis absurdis & inconvenientibus, quæ putant sequi ex nostra sententia, breviter referenda & exponenda sunt. Secundo demonstrandum est, eadem absurdâ & inconvenientia, olim à Fausto & Massiliensibus, contra sententiam D. Augustini fuisse objecta. Tertiò ex purissimis ac limpidissimis hujus Sancti Doctoris fontibus, eorum solutio haurienda erit.

§. I.

Adversariorum fundamenta exponuntur.

Contra decreta de se efficacia, & liberi arbitrii consensum antecedentia, præstîm contra decretum prædestinationis gratuitæ, & antecedentis præscientiam meritorum, de quo Tractatus sequenti fusè differemus: multipliciter insurgunt Recentiores, eaque variis absurdis & incommodis gravare & exigitare conantur.

In primis arguunt Lessius de Prædestinatione sect. 6. assert. 3. num. 72. & de gratia efficaci cap. 3. 4. & 5. Molina 1. parte quæst. 23. art. 4. & 5. disp. 1. §. *Illud addamus.* Vazquez 1. parte disp. 89. cap. 10. & dicunt: *Ex illis inflexibilibus, & plusquam adamantinis decretis, induci fatum plusquam adamantinum, fatum inevitabile, fatum necessitatem, & vitam hominis fate alligatum esse.* Ita enim loquitur Lessius ubi supra: Ergo talia decreta non sunt admittenda. Consequientia patet, fatum enim pertinet ad Gentilium, & ab eo abhorret fides Catholica. Antecedens autem probatur. Talia decreta sunt tantæ virtutis & efficacia, ut nullam relinquant in voluntate creata potentiam ad oppositum: Sed in hoc consistit formaliter fatum Gentilium: Ergo ex illis oritur fatum.

Confirmatur, & magis illustratur hæc ratio. 90.

Gentiles olim constituebant fatum in quadam coordinatione & concatenatione causarum omnino inflexibili & immutabili, ex qua volebant omnia ex necessitate procedere, ut docet D. Thomas 1. parte quæst. 116. art. 3. & quodlibet 12. art. 4. Sed quantum ad propositum, idem est æquivalenter, unica causa omnino inflexibilis & immutabilis, qualis est decretum illud prædeterminans, absolutum, & de se efficax, quod in Deo admittimus, ac coordinatio plurium causarum inflexibilium, quem olim fingebant Gentiles; & solum potest esse differentia, quod illa coordinatio erat ex causis corporalibus, voluntas autem divina est summè spiritualis, æquivalens cuiuscumque firmatæ aut inflexibilitati possibile: Ergo decretum prædeterminans, fatum inducit.

Secundò principaliter arguunt Lessius de Prædestinatione sect. 6. num. 17. & sequentibus. Molina quæst. 23. art. 4. & 5. disput. 1. membro 6. Vazquez 1. parte disp. 89. cap. 10. Valentia in 1. partem disp. 1. quæst. 23. puncto 4. Hoc decretum tollit libertatem arbitrij: Ergo non est admittendum. Consequientia patet, Antecedens probatur. Libertas consistit in potentia seudo-

DE EFFICACIA VOLVNTATIS DEI. 455

Minimo quod habet voluntas supra sivos actus : Sed posito tali decreto, nullum habet voluntas creata supra suos actus dominium : Ergo nec ullam libertatem. Major constat, Minor probatur. Liberum arbitrium non habet potestam, seu dominium super decretum, neque super connexionem infallibilem, que intercedit inter decretum & actum voluntatis creatae, cum nihil possit operari impeditum decreti, vel connexionis illius cum actu : Ergo neque habet potentiam, aut dominium super nostros actus. Antecedens patet, Consequentia probatur. Qui habet dominium super actum, habet etiam potentiam & dominium super omnia à quibus talis actus essentialiter dependet : Ergo si liberum arbitriū non habeat dominium super divinum decretum, & motinem, seu gratiam ab illo promanantem, à quibus actus nostri essentialiter dependent, nullum etiam habebit supra suos actus dominium.

92. Tertio probat suam opinionem Lessius, libro de Prædestinatione, in præfatione ad Lectorem, & ibidem sect. 2. num. 21. & Molina ubi supra disp. 1. memb. 6. circa finem. Quia (inquit) sequitur ex contraria sententia, homines in desperationem sua salutis adduci : Sed in nulla sententia Catholicorum hoc debet admitti : Ergo omnes Catholici debent illam sententiam repellere. Sequela probatur : Proponamus duos homines, quorum unum Deus per suum decretum ex se efficax & antecedens statuit salvare, & alterum decretum damnum : tunc primus nihil potest sperare, cum habeat totum quod possit sperare, scilicet certitudinem infallibilem sue salutis. Alter est contra, quomodo non potest non desperare, quem prædeterminatione violenta damnavit?

93. Quartò arguit Lessius ubi supra sect. 2. num. 14. & Molina ubi suprà. Sententia opposita socordiam, torporem, & ignaviam hominibus Christianis assert : Ergo non est admittenda. Consequentia patet, Antecedens probatur. Nullus potest esse sollicitus de bonis operibus, qui existimat omnia nostra opera cum omnibus suis circumstantiis, decreto absoluto & antecedente, esse ab aeterno à Deo prædeterminata : Atqui sententia quæ tollit sollicitudinem bene operandi, causat ignaviam, socordiam, & torporem : Ergo sententia Thomistarum, torporem & ignaviam in exercitio bonorum operum causat.

94. Ex his principiis plura alia absurdâ & inconvenientia colligunt præfati Authores, & dicunt sequi ex nostra sententia. Nempe studium virtutis reundi. Ita Lessius de prædest. sect. 2. *Incitari homines ad licentiam & dissolutionem vite*. Ibidem ratione decimâ. Et Valencia in 1. partem quest. 23. punc. 4. in corollario. *Laudem detrahi bonis operibus*. Lessius de prædest. sect. 2. numero 13. & 17. *Orationes refrigerescere aut extingui*. Vazquez disp. 89. in 1. p. cap. 10. *Spem imperiandi tolli ex incertitudine illius decreti*. Lessius de gratia efficaci cap. 7. num. 2. *Exhortationes & correctiones languescere & auferri*. Idem de prædest. sect. 3. num. 31.

95. Denique contra eadē de cōtra de se efficacia, & consensum voluntatis creatae antecedentia, insurgunt Theophilus Raynaudus, sub assumptione larva de la Riviere, & Franciscus Annatus, in libro de Scientia media cap. ultimo. Et dicunt quod Calvinus hujusmodi de cōtra & prædefinitions Dei absoluas introducere conatus est, ut arbitrio libertatem de medio tolleret. Unde ne conveniamus cum hæreticis, de cōtra illa abso-

A luta, omnem prævisionem determinationis creatæ voluntatis antecedentia, que à Thomistis prædeterminantia appellantur, à Scholis Catholicorum releganda sunt, & introducenda de cōtra indifferētia & conditionata, libertatis amica, mitia, benigna, suavia, & prævisione futuri consensus contemporata.

§. II.

Eadem absurdâ & inconvenientia, olim à Fausto & Massiliensibus, contra doctrinam Divi Augustini objecta.

VT clarè constet hac Recentiorum argumentationa non esse recentia, sed pervertita, & veleti rancida, ac de cōtra ex se & ab intrinseco efficacia, que Lessius ferrea & adamantina vocat, ex Augustini visceribus esse decepta : è contra vero alia que in Deo singuli Adversarij, & indifferētia appellant ; sed quæ cerea & plumbea, verius nuncupari possent, utpote quæ sponte liquecant, & sigillationem ab humana voluntate expectent, ab hujus S. Doctoris mente & sensibus esse remotissima, opera pretium est, breviter hic ostendere, Faustum & alios Semipelagianos, eadem omnino absurdâ & inconvenientia, contra Augustini sententiam sepius objecisse, eademque omnino querelas contra ejus doctrinam olim induxisse, subindeque Adversarios trita Pelagianorum arma colligere, & obsoleta recudere, ipsique merito illud Prospere contra Collatorem nos posse objicere : *Quid de elisarum argumentationum ratiunculis fracta studitis arma colligere?*

In primis ergo quod objicitur de fato, habetur apud D. Prosperum, Epist. ad Augustinum, in qua referens præcipias contra ejus doctrinam Massiliensium querimonias, ait quod illi conquerebantur ex Augustini doctrina, *Sub prædestinationis nomine, fatalem quandam necessitatem induci*. Et in Epistola ad Rufinum in fine : *Ea, inquit, que de fato jactitant, neque ipsum quidem onerant (sanctum Augustinum) in cōtra libris copiosissime hujusmodi destruuntur errores*. Idem constat ex Fausto lib. 1. de libero arbitrio cap. 4. ubi doctrinam Augustini impugnans, sic ait : *Sub pietatis fronte, genitilitatis malum, & iner gratia vocabulum, absconditum erit FATALE DECRETUM*. Et cap. 12. *Recedat hinc originalis definitio, VEL FATALIS*. Idem constat ex Augustino lib. 2. ad Bonifacium cap. 5. & 6.

Secundò quod nobis objicitur de libertatis eversione, fuisse pariter objectum à Semipelagianis Augustino, constat etiam ex eodem Prospero in eadem Epistola ad Rufinum, ubi sic loquitur de Massiliensibus : *Scripta Augustini, quibus error Pelagianorum impugnatur, infamant, dicentes eum liberum arbitrium penitus dimovere*. Et inferius. *Nimium inexperie, nimium inconsideratè ab adversantibus dicitur, quod per hanc Dei gratiam, libero nihil relinquatur arbitrio*. Et Faustus de libero arbitrio cap. 6. *Sicut mare magnum*, inquit, *quod hoc atque illuc veluti ventis agitantibus volatatur, ita ad quodcumque bonum vel facinus, sine ullo affectu suo, solo divina potestatis impulsu mens humana versaretur*. Ecce hereticus (quem non aliud quam Sanctum Augustinum intelligit) sub pretestu gratiae, quam vult hominem esse post gratiam. Denique in hoc demonstrando, quantâ animi contentione Faustus laboraverit, satis indicat ipsa librorum

96.

97.

98.